

橫槎集序

橫槎集者今

御史大夫悟齋吳公寓橫
州時作也公給事黃門疏
分宜諸不法狀縷縷數千
言大觸諱忌下公

詔獄謫戍橫州惟時分宜尊顯




用事無敢睚眦公奮筆首
論之由是直聲震天下後
分宜竟坐削籍說者謂
世廟神聖則以公言中之者深
也隆慶改元

召還諫院尋擢開府公骭髀仍
迂權貴亦旋起旋蹶會

今上易絃更化登籲老成公以
廷臣推轂始克柄用云曩
公之赴謫所也日與諸生
講德校秋獲公片楮隻字
者即家傳而戶習之輒嚴
重事公焉公去且餘二十
年矣適侍御蔡君行部至

郡考文徵獻而諸生中競
出公所為詩文以進夸栩
愉快不啻商彝周鼎也侍
御君乃彙次成帙付諸剖
劂氏而屬余言以引其端
余為世所稱儒者率以道
德為上經濟次之而誤述
之富不與焉至屏逐放棄
憂讒畏譏身處瘴鄉心懸
魏闕則每寓之著作以寫
其孤憤之情抑鬱之念神
情所至猶能使殊方異俗
變為華風其有關於世教
亦匪淺鮮矣余觀公精忠



原件短缺

正氣若喬岳泰山而恒出
之以和平貞之以恬澹盖
深養厚積粹然自得之學
也頃

主上倚毗方殷諸所贊畫類皆
振肅紀綱崇尚本實民風
吏治煥然改觀所謂道德
何炳炳也公去橫而橫人
之思日益甚又從而尸祝
之後先相映於二公若合
符節焉抑又何盛也則斯
集也寧不當與寓惠居夷
者而竝傳乎余竊謂公柄
用於時微猷道德經濟卓

橫林集
然表著即斯集之傳有關
於世教匪淺鮮矣輒僭妄
書之非敢為佞

萬曆十六年歲在戊子仲

春之吉

賜進士出身通議大夫奉

勅總督兩廣軍務兼巡撫廣東

地方兵部右侍郎龍溪吳

善頓首拜書

橫槎集序

大臣忠以任天下之重者
則必有諤諤之言以格乎
君即寘其身於海濱瘴逖之區
而弗少顧用能苦其心志
而益擴其聰明危其起居
而愈堅其操履異時任大

投艱若駕輜車馳坦途無
難色者昔孟子輿氏言天
將降大任於斯人必增益
其所不能其謂是與予嘗
持是以觀當世豪傑頎頎
不凡之儔於今

大中丞悟齋吳先生竊師法焉
先生蚤歲超越左對

大廷官給諫事我

世宗先皇帝蹇蹇翼翼知無不
言時有慨于分宜之為國
大蠹也首列其奸狀而鶴
樓張公幼海董公繼言之
疏先後上皆見忤謫戍先

生得邕之橫州慷慨就道
居橫數年怡然自適無幾
微介于念慮日與士人講
明心性之旨而嶺海遐陬
始得迪聞聖賢相傳之要
不遠數千里負笈來學者
纒纒屢接于門於是士風

犁然知向于正暇則選佳
山水徧遨遊焉一泉一石
一觴一咏咸足發抒心性
靈而大關乎世教乃

天王聖明之心思見諸言語文
字間者勤勤懇懇炳如也
怒如也先生之所養可覘

矣宵人既靖

聖天子灼知先生賢起而大用
天王之俾掌內臺振揚風紀寓
內靡不戢戢想望其風采
而薰蒸其化治先生仰服
寵麻思毅然身任天下之重必

翊

主於堯舜躋世於唐虞即薄海
內翕然稱順治而後其心
始殫者向非其晦養於粵
嶠之有素曷臻茲哉予是
以信孟子輿氏之言後千
百世取酬於先生若持左
券也丁亥秣予來撫粵右

得先生橫槎集伏讀之見其所為詩歌爾雅渾灑灑乎唐音哉至其所應酬諸文宏深浩涵成一家言而悉根之于理奧其遠邈乎濂洛諸大儒者源一心同無有杆格蓋其聰明日益開擴是故能洞燭于身心性命之奧而遠得其宗其操履日益堅定是故能獨立於風波震盪之際而不動其聲色今也峩簪中臺表儀百辟輔

世治於重熙累洽之盛一時稱

世命有大臣風烈者先生其首
當之哉予不敏夙辱先生
知日手斯編盥誦三復作
而歎曰向也予蓋偉先生
豪傑之才爾已迺茲窺見
其潜心理窟深有得于聖
賢中正之學先正謂豪傑
而不聖賢者有之未有聖
賢而不豪傑者先生信其
人乎然則斯集也以橫槎
名篇其用世也固為濟川
之舟其覺世也洵為渡海
之筏乎哉敬綴次而書之
以諗于世之知先生者謹

序

萬曆十六年歲在戊子仲

春之吉

賜進士出身通議大夫奉

勅巡撫廣西地方都察院右副

都御史靈璧劉繼文頓首

拜書

橫槎集卷之一

僊居吳時來惟脩甫撰

門人橫州施懋

施懋

王應斗

鄧維藩輯

詩

五言古體

觀音廟老媪持麥飯來嘗

進舟清江浦淡然無餘縷有媪來崇岡跪將青

麥飯問之欲胡為咄咄心自嘆嗟我失歡客故
舊驚相遠尔媪何其賢一簞良足勸昔時有漂
母曾濟韓生困長缺吟腰間時固有利鈍所貴
大丈夫母為守尺寸惜哉韓王孫功成自不佞
一朝椎食歡竟遺藏弓恨嗟我遠行遊無金酬
所獻何當大造恩敬哉脩可願

再別子儀五首

涼飈動四林孤鴈發哀吟鴈吟逝何處南止衡
山岑而我尚遠遊中路傷人心路遠有窮盡寒
暑遞為侵人生苦別離萬里愁重陰我有一樽
酒對子且重斟顏色何由見因風惠徽音

其二

嗟彼渠青荷晝捲葉夜舒與子同一心願比園
中葵托根良異地對陽常不離詎云戀華光理
固有所施臯蘭被徑路不佩香亦隨聲利奚足
保樹德務令滋

其三

結髮為夫婦百年誓不欺一朝成睚眦安知非

暫時惜哉衛人女嫁之命多私厚藏被姑逐悔
言猶未賞我思古之人百死操不移男有劉安
世女有姜詩妻

其四

男兒志四方奚必處庭戶子卿十九年飡糴迪
醜虜幸為帝所寬置我此中土粒食歡餘生
戍樓等衡宇罪大不蒙誅有身同報主報之將
奚為一德願自樹生當為完人死當風千古

其五

路遠各行行無問相見期相見有何益不見夫
何虧死別已如此生離寧足悲吾道乾坤大一
節羽之微老壯窮益堅末路須慎持昔我出門
時一語受吾師朝聞夕可矣寸心終莫違

聞猿

古洞叫夜猿山空響逾絕一聲如悲啼一聲復
清截客感無定端攬衣窺明月輝光滿太樞不
為離猿設涼風飄素波游魚濡以悅匡坐至夜
分猿聲漸亦歇我欲與猿俱高栖寄岩穴體空

遺細想萬象無生滅

湘江夜泊

瀟湘一葉下驚湍激岩扉扁舟戾素波江灣月
滿磯月色一何好萬里流清輝天高雲漢遠玉
露凜霜威把酒酌江神采蘭人既歸遠遊愜神
理迴風誰為悲

中秋全州

秋色當平分爽氣凌太清陡然溪谷靜萬籟肅
無聲完完金光鏡照胆懸空明祥光被遐宇草
際翻瑛瓊魚龍戲夜珠浪花圓且晶扣舷發長
嘯頓覺志慮輕淹留亦奇絕有如登蓬瀛流霞
一盃酒歸思仍盈盈

六洞

高岩發清嘯有如鸞鳳音扶搖戾九霄迴飈下
桂林耀靈挺神匠空洞爽以森六竅啓玄窓離
離遺高深體結自然秀景與太虛侵朝遊扶桑
側夕憇靡胥岑流眄無厓際萬運在初襟幽賞
契元始飛昇奚所歆

槎亭夜眺

踈林涼葉動霜色明於髮夜行城上山波光湛
初月儼有乘槎人吹笛沿江樾我欲往從之馳
帆掛溟渤其柰江海深牟心尚魏闕無悶徵在
今有懷耿明發

尋烏石嶺

滯雨躑遊踪乍霽快清曠綠楊蕩微煙白水欣
初漾綠澗芳不歇依墻薜猶上塘陂瀏暗渠步
下時聞嚮林端見遠山四面團青嶂借此結吾

廬願言遂浩養

晚飲龍母池

凌旦策屨嶠薄暮憇林塘主人契幽賞復此列
清觴金鼓且勿陳奕碁且勿張剥芡啜水實取
蓮摘荷香為歡在適意水澹味滋長當歸何必
醉秉燭非可常同遊兼英妙茲遊應莫忘

卜居

夫豈述人境所眷唯雲松仰觀天宇清撫已亮
無庸愛此林園佳曠然招遠峰况與天隨子晨

夕忻相從倚劍耿八埏躍如雙白龍流光若轉
電滿屋生玄風

舟中得幼海詩用韻

扁舟抗厲風停處風初歇岩際吸秋水波端吐新月
對子悟玄樞含情了不發今遊與昔至大塊一超忽

三渠枉晤和幼海

朽木讓宰予而我仍晝寢客來當中堂笑言猶
未醒借問我是誰蕭然形荅影悟道協玄微不
在離紛境取琴為客彈客且自嘗茗曲中識元

音含意坐沉冥感物生憂端悄悄一深省細故
何足榮精脩愛光景茲理難具陳援筆聊吐穎
遊鉢山同党三渠高峇峰范斌軒二首

載酒鉢山巔積陰何漫漫玄雲翳陽景驚飈如
相搏人生百年內憂豫成盤桓飄似風中雲紛
盪靡嘗端日光透長足雲眼生波瀾流眄渺四
遠大宇一何寬慌疑造天半城郭成彈丸崇高
夫何有徒為衆目觀

其二

昔我夏遊時綠陰鬱繁互今我再行遊倏忽歲
將暮林岫豈異昔翕聚固恒數所以南華仙達
觀眇世故遙岫生夕陰人聲引輕幘對酒且酣
歌歸雲浩馳驚秉燭傳夜遊千載有曠度

種梅

有客談園樹犁然契我真忻與提鋤徃植之甚
敷榮豈無桃與李眷此梅風清江郊亦足賞在
邇彌相親我有玉綺琴不彈自不鳴風從東方
來鏘鏘如書聲抱琴對梅花鼓之若有情蒞落

金徽亂聲歇玉軫鏗持此足神賞奚必作和羹

移居和陶韻示諸生

己未十一月二十七日

四海皆流寓誰為守故宅百年成一瞬誰為保
朝夕所嗟不聞道負此遠行役賓朋載酒來回
風臨几席且為傾良辰毋懷今日昔大道久支
疑千載從誰析

其二

所嗜不在酒所耽不在詩出門即登山不勞信
所之况此林樹翳足以敞幽思展矣從吾好藏

息此固時白日照悲泉來歲恐復茲競當惜寸
陰前猷詎我欺

勾漏篇荅鬱林守宗兄

高靈毓空洞珍異耀岩阿亦有采真客逸地發
清歌求友向天末携契款雲窩九源降玄液凝
氣結丹砂三清鬱高標九嶺茂光華流芳直至
今玄景節嗟我謂有妙莫測謂無永不磨而我
握其機猶遠疑執柯羽化非貞則大道唯中和

白馬篇荅鬱林

南海多仙窟靈境亦多端勾漏又擅麗白馬誰
所繁上有燒丹洞日出烟氣圍其下有石鍾零
乳生波瀾澄溪泝沉坳松聲流翠寒屬我曠遊
日好音來邀歡旋欲奮六翮高舉遨其端鬼鬼
一太室遼朗無門攤八紘為我宅五嶽一圭攢
置言懷伊鬱神遊有妙觀

登高嶺憶秦少游讀書亭效劉公幹

三年玉楮葉文史為迷亂心神苟不留百藝亦
消散年來厭汗漫一揮有餘宴六籍已陳迹雕

木抄集 卷一
蟲何足誕步出城上山登高聊肆眎脉脉懷斯
人讀書每揮汗逆旅既達觀滯淫詎非坦時代
愴不同操危君豈但

龍池分韻得似字

龍池龍已躍靈跡諒非詭習坎結幽期汗漫愜
洵美將軍敬愛客投朝蘭楫理一榜泛澄波浮
漚信所止遠色亘長天寒光含近樹徙倚臨高
丘滿逕芝蘭佩貞觀况清秋仁智兼坦履中川
簫鼓振餘滴墮清泚游魚溼錦瀾菡萏映芳止
終宴月初昇水面散霞綺感慨懷易生微醪酒
亦止高人發玄暢風流何所似舞雩響既歇蓬
壺理彌侈良辰不易得臨淵徒羨鯉

懷鶴樓

我登青秀山鬱然心不樂不樂祇為誰臨風琴
別鶴踟躕一舉酒嚶嚶鳴相友一合還一離別
說空在手白鶴來蕭蕭滿席生風飈松頭立且
舞十里見高標我欲厲羽翼一振到君旁恐君
門不開托之明月光見月幸開門念我正思群

若不交加舞煩憂徒自紛

走筆續忽憶山中客寄陸山人

山人別去半年忽一

念之曾憶韋蘇州有寄全椒山道士詩東坡在惠亦用韋韻二事先得我心哉

捲簾見南山忽憶山中客清風牽我裳飄飄臨水石白雲起天際飛繞無朝夕何當與爾俱雙龍同滅迹

白鳥篇

白鳥復白鳥雲涯何玼玼浴波如浴玉啄沙如啄米我欲執此鳥此鳥其來群與君有風故一語願許聞乘軒難為榮在茲相嚙响紅綠各有戀賦定難相覩我聞白鳥言耳目一便便大造陶萬物靡不任自然江水浩且深浮沉恣以裕我意每有極爾夢亦同趣

四遊青山

青山秀不了高低翼二亭我来心已憚况抱膝上琴把琴何所之上有石可臨問君彈何曲寫我鳴榔吟一彈且一歇千載誰知音高山與流水妙境空人心有酒如不飲虛負此清襟

其二

昔際高秋日今坐暮春時
區裏有餘佳展轉夏
雲滋蕨苗森以長
蕨實茲當肥玄昊如相信
吾其結茅茨雞犬語雲中
笑我帶妻兒僻地無罌
礙造端此天彛借問龐德公
是否鹿門期

飲混混亭

山泉清以冽昨者棄於地
今辰吐龍唇飲者爭
滌器美惡無定端趨舍從
自致饑渴殫下愚仙佛淫
上智邪迷一以鍾對面不
相值我欲汲此水一洗人
間醉天竺與蓬瀛只在清
淺泚原泉日涓涓流膏從
所至

烏石嶺葉生置酒和廓然

卷石創危構林端鬱數峰
宇宙渾無物而我處其中
山花不辨節四時開芳紅
携酒忻人徒慷慨歌春風
眷此丘中賞况復故人同
雲表雙飛鶴來此聽踈松

夜夢登一樓閣不自解
晨赴陸大夫上玄穹閣
宛如夢中以語原漢原漢
有夢相合

豈夙緣耶

我愛龐德公携家住巖壑我愛東方生安隱在
城廓真君美佳致三徑突高閣像設以莊嚴山
藻借丹雘機緣了不易矢心向真漠我夜夢見
之到此如初覺神遊意以豁同人恣歡樂擊節
奮高歌浩氣為飛霍醉醒大塊中萬端皆夙約
一登熙春臺盡解五蘊縛為君賦遠遊獨鳥翔
寥廓

壬戌春忽鴈鳴而過我心異之賦以自遣

鴈迴瀟湘浦胡為來蒼梧况茲當初春翩翩向
北隅豈其昧寒暑無乃求匹雛經歲遲冰雪歛
翼愁菰蒲歛起葭茨中顏色驚南隅念余久飄
落異地相追呼眷此飛鳥音意者有令圖我本
東嘉人岩山夙所都無望上林繫願作反哺鳥
日光回北陸何當與尔俱

陌上桑

綽約誰家女採桑自戶牖桑滿生庭綠桑柔不
應手一葉成一系千葉成一縑寸寸織作錦遙

寄我所天驕桀何處郎下馬相欺輕任君金滿
籬難買妾中心回頭憶遠人封侯功遂否君心
願不移妾死甘相守歸來見夫子恠爾桑間者
對面不相識萬里空思憶

橫槎集卷之二

僊居吳時來惟脩甫撰

門人橫州王傑

施信

張章

陸應晉輯

詩七言古體

草萍道中夜雨

嚶嚶喚起春風早萋萋綠遍汀洲草我携春色

向龍遊煙波夜雨西安道碧紗窓裡謾傷魂萬
里人今正出門

雷埠

火烟隔江雙巨石十仞壁立江之側何處漁翁
來收釣舉刀砍水水為赤刀尖初閃岩石裂刀
背纔翻江水咽至今岩石如紙平揮毫我欲灑
蓬瀛摩崖不借魯公筆跪石恐為蟠溪吟憶昨
蹶躄生煩憂每望滄海登高丘橫河跨海徒夢
想十洲三神難竟遊即今繫舸且沉浮坐向巖

頭招白鷗白鷗問我誰氏子豈亦呂梁觀水者
銅柱燕然各有投何如散髮弄扁舟

涑江行為眉山陳誨父作

涑江一朝橫驟波愁雲慘雨閭城阿精衛酸辛
啣枝去筮篔流悲寒氣多母溺死兒不知兒今
長大思母劬思母劬立江干望母不見摧心肝
淚成血悲杜鵑聲斷腸愁哀猿總不如我之滂
沱而纏綿恨不為會稽之曹娥赴身負父死猶
得焉涑江之水流不竭我心之恨那能歇歸來

構堂匪幹蠱母生兒身兒不識母面誰人不道
此情苦樹萱堂比發春滋見萱如母泄幽思我
聞此語淚迸泉我亦有母早棄捐收淚一灑懸
河筆寄寫長江慈母石

明妃曲

手把琵琶去馬上不堪悲欲奏指已澁風鳴絃
自悽絃悽馬不進曲亂君誰知絃斷可膏續妾
去何歸期憶昔宮中登選時晨粧鳴佩侍丹墀
自恃紅顏壓漢宮等閑脂粉不曾施君王有意

求傾國目力深愁難偏及專托畫工貌容儀品
題好試丹青筆畫工一朝擅丹青不貌紅顏只
貌金金多宛轉生春姿若還金少無顏色自從
畫工進君側六宮面目盡懸隔宮中重金不重
飾盡將脂粉換黃金妾有紅顏不有金宮中冷
落傷春心輕將幽意托琵琶願得君王聽好音
從來脂粉掩真容况乃丹青托畫工畫工只愛
金疇解君王心丹青易蔽君王目琵琶容得君
王聽悲風一夜下胡霜玉關兵馬耀明裝多少

材官守邊隘却將薄命嫁胡王朝出宮門夕漠
北天山萬里飛胡雪妾身在虜庭心嘗在魏闕
君王如不信試看關山月嫦娥是妾容夜夜照
漢宮月下忽淒清是妾琵琶聲此曲只應宮裏
奏誰堪出塞作悲吟雖然憔悴困風塵若還歸
去轉精神胡恩縱厚不相知耐可宮中閑夜時
君王幸相思妾歸應未遲

豐城劍歌

我聞豐城劍出自錕鍔銅大造為鑪冶巨靈為

良工真宰磨其鍔玉女浴其鋒卷之不盈把放
之彌高空知剛復知柔一雌還一雄有時飛霜
凌白日忽如驚電舞長風乃盤古開闢之所遺
有虞氏以之除四凶嗣後周孔得殷寶乾坤萬
古破溟濛童子佩之却三軍英風慄慄貫白虹
神物不世出埋之令消融無何精光不可掩紫
氣直與斗牛衝張雷二公掘得之各佩其一自
為功吁嗟張雷識氣不識寶此劍非是人間討
所佩非其人雙飛入玄昊我昨學劍向京師青

萍巨闕聊自持既而出試向吳淞更有鏌鉞來
相從我得此劍不輕試爾復忽爾來追隨有時
拂袖起廣坐皆揚眉倚之向瑤天萬里生秋姿
我欲棄之去跬步難相離我欲斂其鐔匣裏吟
何悲陡然一朝壯心起造命怒之嚙其齒我聞
此劍切玉如切泥擊人不死如投虛我胡不審
誤用之劍乎劍乎空爾為我今倚劍向南樓悲
歌來過劍池西空江一夜驟風雨孤城白日懸
虹霓還爾清冷之深淵爾其飛躍上天池天生
神物必有用我即不用人用之不然遣一留其
一爾乃會并自有時劍乎劍乎用之則行舍則
藏唯我與爾有是夫

採蓮

採採踈蓮不滿篝青潭照影漾歸舟鴈門遙瀟
音書斷一葉梧桐飛起秋

送客

水謳急莫發聽我唱陽關昨秋同君來今秋看
君還渭城柳色一盃酒天涯朝雨萬重山赤鴈

翔海上白鶴矯雲間
睠言二三子相思多苦顏
化劍閣放歌寄斗山樊侍御

樊君以劍閣詩示我愛其慨慷秀雅愈
諷愈感因發長篇用忤鄙志雙龍聞之
必為起舞矣

君登化劍閣歌因倚劍發劍氣初橫三島靜歌
聲欲動雙龍躍我聞此劍來豐城獄底沉埋經
幾春無柰精光徹牛斗紫氣昏黑纏高旻一自
張華識天象更交雷煥出風塵二人各分佩其

一雄南雌北難依因兩劍含悲不得申一朝飛
向延浦津浦邊照耀已彩色水面閃爍生金鱗
化為雙龍入滄海能入五湖四瀆奏平成有時
騎雲上天去須臾霖雨遍滄瀛此劍本是蛟龍
精瓊綃珠襲那足珍君不見蛟龍非是池中物
肯與人間雜佩紉至今睡熟清冷淵招之不来
喚不醒妖龍毒霧昏天闕飄雨悲風愁人境海
上怒鼉吼疊浪大江以南亂無景君今倚劍向
八閩白日飛霜山鬼驚山中定掃豺狼道海上

能使波濤清吁嗟豺狼豈止八閩之深山波濤
豈止八閩之海塹君其高歌喚起延浦之龍依
然化為劍縱橫四極斬妖龍黃河同清海同晏
樊君樊君愛汝得時不遺舊愛汝登高能賦詩
愛汝攬轡氣能壯愛汝山岳心不移君今八閩
我西粵歸心一夜大刀折安得飛向延浦津與
君交頸抱明月今者寶劍在君手君且徘徊慎
用之不然韜光且歛鐔此物用舍自須時

橫槎集卷之三

僊居吳時來惟脩甫撰

門人橫州楊材

陸紹中

楊光庭

錢應龍輯

詩

五言律

詔獄得高伯宗比部見訊用韻

狂言慚似矢

聖德荷如天生死誰能主安危有固然如絲懸
一命何日續三編獄底埋雙劍猶為識者憐

恩譴陸理評東以詩扇贈用韻

棘司有逸吏臨組不邀名詩畫王摩詰琴心阮
步兵未面空魂夢交情托死生清風茲滿袖持
往扇邊營

高伯宗追送弘法寺贈以三詩次韻

窮交仍送送嚴譴柰行行相知無昨日意氣是
平生水滿鱖魚躍雲深旅鴈驚

君恩比天海別爾正含情

其二

昔人秦淮海橫槎是謫居海棠空往事江水任
吾漁明世恩難報故人誼不踈將憑消永日持
爾袖中書

其三

把君詩在手一過一躊躇隻字腸堪斷連篇意
有餘清朝仍爾輩何地結吾廬離懷雖滿腹愁
來不可書

次韻伯宗再別吳惟脩

已賦從軍樂還歌行路難
祇宜身佩劍無復髮衝冠
君定崇明德予寧負歲寒
相思何地苦夜月照江瀾

別姜廷善何原學

已拚身是壘誰復病相憐
薄杖權行貨倩人為橐
饘有生皆爾日何念敢忘天
漫語風波惡風波且自恬

再別姜廷善

有美玉堂賓清貞絕四鄰
云胡不憚累拋却護波臣
妻子頻相問音書豈避人
別離無足恨珍重廟廊身

再別何原學

世方側目甚策馬出郊衢
勞苦諸君在周旋更爾勗
相持惟有淚已別復躊躇
聚散尋常事終焉保令圖

李維藩吏部予告東昌路中見示四詩

奉和如其數

愛爾南溟俊才名特有聞避人長抱病憐我賦
從軍驛路浮萍合閑山落葉分羅浮秋不改寤
寐想清芬

其二

去國情何限憂天念所均明時萬里別吾道百
年身海上方書在秋來藥草新心丹如早就還
起濟斯人

其三

隱隱豹峰碧霧收出岫餘君歸三徑宅我傍九
夷居醒醉看浮世悲歌對別裾蒼梧雲一片音
問詎教踈

其四

羨爾歸寧去而予倍憶家投簪仍畫錦倚劍向
天涯南望白雲近北歸赤鴈斜人生三事在勉
矣不須嗟

端午七級舟中

宮衣既無分艾節旅中過角黍包青箬蘭湯借
白河不聞人競渡空有背橫戈任爾舟難進安

排也則那

清江會同年錢叔美沈岳卿餞別

別墅清江浦虛亭宴賞同興高滄水使歌罷大
王風寶劍飄零日蘭襟坐嘯中翩翩三去鳥明
日怨西東

廣陵赴同年秦子實吳敬甫

來過少游里兼懷李子風暮雲含別浦暑月隱
高桐世事三盃後風雷一夢中雞聲與馬首終
宴又江東

子儀將自大江入貴竹賦別四首

君問黔州路余將入桂林瘴煙知易遣鴻雁恐
難尋止極孤臣目東流別客心詩窮有佳句何
復並舟吟

其二

別路張平叔前身唐子方夜卽憐汝獨嶺表尚
余雙千里從今夕重逢何處鄉謾論身外事且
盡手中觴

其三

播州不為惡云何易柳州清平無瘴地江漢有
孤舟對月遙相憶聞猿起別愁崑崙行處在遠
道合周流

其四

一辰不忍別復此愴淹留苟負四方志寧辭百
歲憂乾坤渾浪迹吾道有真遊永保日新念毋
令空白頭

都太守王節推邀為金焦之遊舟中即事
焦隱還呼姓裴公事並留江天憐舊跡我輩復
同遊客似乘盃至山看蓬島浮波瀾何太甚一
醉任安流

焦山用鶴樓韻

焦飲今何去狂余此倚欄乾坤孤柱在身世一
舟看鳥外青山古江空白日寒岩頭餘細竹搖
拽舞晴鸞

焦山夜歸和鶴樓

古寺探幽去山城倚醉歸留人林月淨醒酒暑
風微棹曲搖江渡漁燈點夕扉獨憐沙上鳥已

宿尚驚飛

西湖尋袁給舍童太守

一別西湖去芙蓉已數秋
偶因尋舊侶復此泛
虛舟花裏開芳醕風邊起
棹謳卿雲何處是對
酌且消憂

童太守招飲湖邊別業

層城風雨後閒院綠陰生
物色誰相假囂煩一
以清湖波搖碧玉荷氣入
青觥醉罷各分手鷗
汀願訂盟

寶東寺

清風臨絕嶺白日坐空壇
泉供行脚茗飯向佛
頭冷鳥狎機全息雲來
性與閒上方如可洽對
月欲忘還

由富春入嚴州

山入富春美州因嚴子名
一竿粗結隱千載挹
餘清帝腹天同濶客星
灘自明行行仍萬里仰
止不勝情

鄭越渠趙翰川澌陽諸兄招飲藍陰山

高情當七夕載酒向藍陰天上脩靈會人間有
客星窓踈羅月近盃淨竹雲侵勝地真堪賞無
如別恨深

龍游路遲原漢

促榜向龍游長途不易酬辭親纔幾舍別國動
三秋江轉峰如駛林深鳥欲投相從俱不忝
斷此時愁

常山楊尹

千厓澄霽色客意與秋分象外渾無我行邊尚

有君相逢惟涕淚何事轉慙慙更問塵生釜東
萊范史雲

脩道院

驛路開谿澗山菴傍狹斜話逢方外士清寫雨
前茶空谷雙啼鳥踈林片落霞年來車馬暗半
日亦生涯

玉山店樓夜眺

危檻入遙夜勞歌初欲平依依前浦樹隱隱故
鄉情山出風開幃灘流月有聲不緣棲泊處夜

氣若為清

貴溪會鶴樓語所登龍虎山事

仙窟絕人境之遊羨汝竒山登最高處道悟太
清時大寶還流甲寒爐空有泥化城人可到苗
齋豈天師

吉水對月

次寥生靜夜秋氣太無端露草珠為蕊風湍錦
是瀾蓬心閒易遣萍跡遠難安此夜南枝雀西
園歡未歡

馬頰舟中

謫去九千里行經十八灘祇疑三峽險誰道五
溪寒纜挂蒼松杪舟眠白石端路難何足嘆少
泊是平安

登衡州城

嶽遊違絕頂心賞寄層城遠近千峯立蒸湘二
水平來帆疑落鴈去火欲連營千載荆山璧行
行空復情

祈陽石

怪爾祈陽石虛誇五色英補天質尚淺為柱力
嫌輕得水疑粧鏡吐雲儼畫屏却緣成小巧剥
劉楨山情

石鏡

神工陶玉液繡壁嵌金章湘水晶玄鑿疑山對
曉粧鴈來棲海月龍起妬珠光妍媸嫌太潔不
敢擅朝廊

愚溪

愚溪何處在往事悵江津灣處還餘鳥鳴時若

有人下流不可處晚節竟難伸最是八才子荆
公論更新

十三夜柳浦岸酌是夜月色甚佳相與浩
歌舟人為語沉香岩竒妙狀因與董子呼
酒各一滿引大瓢秉火持劍而往

路旁何所遣白酒時相酬水落三湘淨山深八
桂秋歌聲豪應谷劍氣殷連牛巖語沉香妙無
妨秉燭遊

風洞赴殷學憲

八桂高巖宴真成覽勝行天門瞻日表地竅殷
雷鳴芳草王孫意蒼梧帝子城當杯秋自好莫
遣太愁生

桂林復與子儀別

幾把離亭袂還傾此日卮遲迴疑謾語珍重悵
前期桂林秋逾爽灘雲暮欲垂君看回首處洞
口是還珠

洪大叅向僉憲載酒象鼻山夜深別去

秋風古桂林象鼻飲江潯試劍三狂過校文二

妙臨

二公入試場是日揭曉燕罷即相邀

言高杯酒外氣逐灑蘭

深正爾離愁洗城端空暮砧

初到橫江

濯足橫江水為家又此城雨餘山拂拭風濟浪
簸平初到渾如赴長征幾踐更譚兵諸將在安
隱伏波營

別幼海二首

編管憐同壤臨邊岐又差一年歷萬里盡室語
通家我已成棲泊君今何處涯離憂心自苦別

淚滴風沙

其二

去住各傷神僕夫淚滿巾不緣分袂地同是荷
戈身數率難彎滿陰符費講論生緣既有定安
得避艱辛

會傳丁戊汝舟同陸三巖贊

豈是商岩胄入禪尚附儒法雲涼火宅慧日麗
康衢袖裏三天秘行邊五岳圖祇園枝已就端
是為文殊三岩從丁戊講禪

其二

聞道猶龍子暮年亦向西神遊空鶴騎虛寢但
雞栖氣接三明茂情超六入迷仙臣原應世今
有泰山稽

其三

愛爾怡顏日逢余養志場德幾渾未杜真際宵
難量幽讚疑龍馬龍樹談交似惠莊何當釋塵

鞅拉爾謁羲黃

鞅拉爾謁羲黃

忽憶南寧子江頭語別時煙花經歲隔天地幾
人知雪想山陰棹春吟渭北詩晁公遺像在此

日却伊誰辨詩思
出郊見梅用杜韻

嶺南春太早花氣入梅多至日枝齊發江天意

若何淡粧遙似雪瘦影半橫波欲憑問消息東

望鬱嵯峨

咏梅用幼海見寄韻

愛爾墻西樹對客發垂垂歲暮應難折江南空

所思凌霜渾得意却月故添姿借問和羨詔商

岩亦我欺

又

眷言松竹友詩興動春華似有瑤琴奏燕聞玉

笛嘉明霞千點潤皓月半枝斜聽爾陽春曲何

郎未許誇

出江

歲暮江城客乘風萬里舟濯纓携孺子洗耳問

巢由微權弘六度玄津謝四流共言成浪迹悅

悟得真游

戲書陸三岩扇頭

君家陸子靜悟道寔緣禪力嫌猶未大意尚不
忘釜掘地泉能出臨州月共圓此時還對汝欲
辨已忘言

又

數應旌陽語歲臨越分看我本天台胄君登白
石壇桂茂冬長燠松疎夏亦寒指掌關河秘乾
坤一弄丸

出郭

江氣團新霽江邊幽事多對山傳鳥語隔水渡
樵歌下酒班新笋開枰印淺莎春愁限天末回
首意如何

咏芝

一室香初滿融融氣若焚甘泉傳異瑞商嶺挹
餘芬陌色舒三秀池光接五雲野人無獻納持
此報吾

君

久雨乍晴

春來苦多雨泥濘浣鷗汀詎少杯中物難尋江
上亭新篁拔地起芳草向人青憐爾飛雙燕啣
雛下綺櫺

其二

日愁春欲了開門山近人鶉鳩仍自喚堦草莠
如茵慚負排雲力翻嫌作雨身晴陰原不定關
闔任天真

其三

春思鬱不發臨池飼白鷺每驚雲似墨為復筆
生花菜甲沾泥亂荷錢貼水斜興來隨所遣虫
草亦名家

江頭

江頭新水至雲樹共蒼茫槎影隨流擁蛟涎帶
壑長鷺翻高樹綠燕啄落花黃莫說春將去南
天日未央

郊園

邵圃何多蔓蔣園亦已陰課童當午餉攜客向

叢林稼穡知生事琴尊寄遠心野人供給少
瓜笋味偏深

聽彈

羽客抱瑤軫扣門賞我心茅簷生逸調猿鶴定
知音奏處梅風入歇來江月沉素琴有至理坐
對一沉冥

岩峰州太守有感懷之作和之

喚起聲何早催歸感易生遊人自有托物候豈
閑情膏雨流春澤絃風入夜清歸心慎莫動美

政誦初成

訪三岩不值遇其父叔屏塘心江二公

阿咸何處去看竹對雙龍門上難題鳳庭前異
聽鍾碧水盈方沼白雲交遠峰芝蘭馨滿室歸
步月溶溶

與岩峰飲酒

江城風色異一笑得仙郎載酒除騶從投壺到
草堂興來同覓句燭盡自焚香我亦清狂客憐
君清更狂

月桂

三冬催臘歲雙桂美清揚節節生秋爽纖纖隱
露光烹茶如漱玉對酒漫分香不識淮南賞相
看意覺長

岩峰夜過留坐有陸山人贊

入夜誰相問留賓向竹林千鍾寒較淺五夜坐
來深歌發半鄉語機忘合道心阮咸有清致延
趣又彈琴

與岩峯投壺

當筵踈酒枝尤拙是投壺九發難期一三迴總
浪圖傍人微偶爾神女為噫醫只慚觀德訓不
是較羸輸

顏鄧兩生草具烏石山房

草具臨何地山房及素秋緣墻千箇竹浴水一
叢鷗朋好清襟合洪荒隻眼收任教終落鬼忍
與世沉浮

與陸兩大夫范指使登寶華峰少憇山庄
尋勝扣山扉悠然入翠微迎人雙犬吠點竹百

花飛寺廢遺壇址村孤長蕨薇但消今古恨何
必問僧依

秋夜柏林寺歸仍上址城回望

涼風吹皓月篁竹渺幽岑古殿丹青落顏墻薜
荔侵波光開寶鏡松韻入瑤琴秋色令人戀無
悲楓樹林

寄張子儀

不見張生久盤江夢幾深縱然各努力難寫未
歸心邊微雲如墨經年汗是淋有懷堪苑結橙

首一沉吟

澁雨

澁雨孤村渺悠悠生遠思一窻芳草碧半壑白
雲隨無路憑消遣安身向旅羈漫嫌詩不就正
恐被人知

落鳧

落鳧于今甚江行強自持白雲提望遠青鳥恨
書遲有淚憑誰寄無懷笑爾癡市沽何處好潦
倒任吾之

小江赴陸茂州夜汎

汎汎清江曲悠悠興不禁幽禽耽遂谷明月照
高林世事江流下交情盃酒深清言殊不易此
夜且開襟

俗累寄陸山人

俗累何能遣秋來思不禁將因逃酒意時寫望
鄉心山水乍清遠風雷空古今却教峰頂上回
望水雲深水雲深處相逢却在千峰頂上千峰
頂上相逢却在千峰頂上
句憑君作什麼會

和屏塘春日登巽峰

伏枕違乘興開簾見巽峰春風堪折屐炎徼憶
標銅天極黃茅地雲迷白石宮客心畏芳草况
復小莖紅

樊文叔侍御寄贈兼示見懷之作步韻還
答

翩翩驄馬客騰踏出王畿斗酒心何壯音書歲
漸稀八閩銷海祲五嶺採山薇不道三千里秋
風遙寄衣

烏石山前有卷石可坐可栞因坐而栞之
口占

抱栞卷石上一曲奏南薰流水橫槎月高山寶
華雲忽疑聲斷續久覺氣氤氳此石如能悟三
生亦漫云

清宵懷舍弟永

清宵何炁炁旅館獨依依鴈影秋傳信螢光夜
入幃魂驚邊地月夢入故山薇好去傳吾弟過
庭時舞衣

其二

吾弟仍何事童心似未孩看雲心易老夢草句
難裁世業素風在家筵白酒開何如遼海戍書
日萬重迴

九月望烏石山房

九日今逾七晴宵望月來是誰誇戲馬行處且
持盃白羽盤渦下黃英布地開神懷何挺率直
倒夜深回

和陸屏塘大夫龍池限韻得人字

秋光入湖水氣勢益相親沆瀣疑無地空虛覺
有人高樽臨大樹佳句灑芳塵傾倒還風韻城
端上月輪

答黎忠池提學用來韻

化雨經過處依然師範存淵源從鹿洞點化識
龍門感遇詩千首論交酒一尊竭來寒谷黍吹
拂氣全溫

次鶴樓見寄韻

君去渺何許都勻亦柳州艱難原素業天地復

何求獨鶴樓前舞孤槎海外流息心有何術努
力矢同謀

再用鶴樓有懷韻

羅施不可極青鳥尚傳書故國心難割新知迹
易踈乾坤歌嘯處身世醉醒餘暮雲停遠塞搔
首一躊躇

種竹

種竹烏山下喬然興自增不因迹酒客誰識悟
禪僧寒歲留高節江潭合有朋此君如解意開

徑與人凭

種松

遠客心無事還來學種松
池塘生夜月琴瑟自
秋風遲爾枝停鶴居然鱗
有龍倘知摩頂意為
我盡回東

少出

少出來江閣相携過木橋
輕烟蒙旭日霏雨灑
林臯何處還清瀨為漁架
小舸無分心與迹得
遣是逍遙

書齋

一作橫槎客殘編力校
雙言孤懷憑自遣妙理固
難搜意得時消洒朋來費
講求幾多樂托地都
付卧中遊

煮藥

自覺端居好油然夜氣生
境閑花漸落林靜鳥
無聲剩有耽書癖新增煮
藥清思懷殊不苦寧
用世間名

茅屋尋陸三岩戲嘲之

三間茆蓋下誰道有仙童戲論成緣相真心養
正蒙合離看泛梗通塞任飛蓬芋栗煨方熟泥
爐撥火紅

龍興寺壁見外父尹翁墨蹟

已是傷離客悲來更百端招魂哀宋玉懷舊泣
潘安紫水流雙淚白雲摧寸肝誰能學老衲生
死任當然

二

散步龍興寺千山啼子規傷心臨桂路腸斷敗
荷詩迹在人歸去山空月落時一生知己淚偏
灑向天涯

烏石山亭獨酌

若問江邊意南中一隱淪茆茨新蓋屋水石久
頽神醉倚梳榔樹書題木筆春野居多堊興吾
自任吾真

送外舅尹翁櫬還

嶺表人能死為誰輕遠來櫬同殘月在魂逐曉
風回別語聲聲切他鄉望望哀已經腸盡斷更

遣洞猿猜

送歐三溪叅議赴四川

江樓一為別芳草正萋萋試水知三峽問程過
五溪雪山高自古蠻語化俱齊無限臨岐意看
君道巴西

青山曉望

野渡衝霄過因緣密友來天空春月淡山遠曙
鍾開馬上饒詩句他鄉惟酒盃剡溪今日興勝
似習池回

有客

有客理征篷盈盈碧水通烟拖春樹雨帆領遠
江風記竹妨危石憑欄指妙峰可憐融散趣不
與故人同

鳴榔

鳴榔開曉漲江轉客魂驚舟在波瀾裏人隨烟
雨行何時成止泊此日澹孤清且向烏山下避
人學偶耕

春暮

又見青春暮難消白日移江河悲世道詩酒是
襟期楊柳青垂線石榴紅滿枝坐來心萬里不
敢與人知

八月十三日侍老父飲錢揮使宅乘興登
東樓有顏生應袞讀書其上口占

閒宵侍所親當飲輒登城天近雲低戶秋清月
映人青燈紗愧夕白水板橋春禮數休嫌略踈
狂但我真

侍老父赴王揮使飲演武場仍夜過其家

醉書東壁

共是登高日連朝觀物華酒行初罷射棋響欲
鳴笳舞衣愧菜子落帽疑孟嘉客歡殊未畢步
月到君家

次原漢見訪夜泊州上

雪舟勞見問瘴厲驟相侵瀕洞乾坤色蕭條風
露林鳴榔玄夜曉倚馬白雲深安得長生訣療
余愛日心

次冬寒江上

萬象催玄景孤舟別旅群愁來迷遠近瘴起失
風雲日落江全紫灘高水漾文峯青人不見此
曲又重聞

北城奉家君赴屏塘心江斌軒席

塵世多車馬何人問老萊清歌遲月乘浩意動
霞盃紫蕨山山熟黃花處處開登樓獨有賦深
媿子宣才

次豹谷秋月韻寄原漢

壁月光初滿蓬壺漏幾更浮波無定彩寒桂不
勝情謝客臨風賦仙臺泛露傾玉闕呀如許千
里寄同聲

聖世多
里香
福

福

風

文

林

